



Broj: 04-457-594/123
Sarajevo, 06.11.2023. godine

Na osnovu člana 60. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 28. Zakona o oduzimanju nezakonito stečene imovine krivičnim djelom („Službene novine Federacije BiH“, broj: 71/14) i člana 13. stav (2) Zakona o ravnopravnosti polova u Bosni i Hercegovini – prečišćeni tekst („Službeni glasnik BiH“ broj 32/10), v.d. direktor Federalne agencije za upravljanje oduzetom imovinom, d o n o s i

ODLUKU
o politici nulte tolerancije prema djelima seksualnog uznemiravanja
i uznemiravanja na osnovu pola

Član 1.

Federalna agencija za upravljanje oduzetom imovinom (u daljem tekstu: Agencija) opredjeljena je da osigura radnu sredinu bez seksualnog uznemiravanja i uznemiravanja na osnovu pola za sve osobe.

Član 2.

- (1) Niko nema pravo da seksualno uznemirava ili uznemirava na osnovu pola bilo koju osobu na radnom mjestu i u vezi sa radom.
- (2) Navedeno se posebno odnosi na:
 - a) pravo na radnu sredinu bez seksualnog uznemiravanja i uznemiravanja na osnovu pola;
 - b) obavezu reagovanja kada su druge osobe žrtve seksualnog uznemiravanja i uznemiravanja na osnovu pola;
 - c) obavezu prijavljivanja seksualnog uznemiravanja i uznemiravanja na osnovu pola;
 - d) pravo na povjerljivost podataka disciplinskog postupka.

Član 3.

- (1) Seksualno uznemiravanje ili uznemiravanje na osnovu pola zabranjeno je zakonima Bosne i Hercegovine.
- (2) Ovim propisima utvrđeno je da seksualno uznemiravanje i uznemiravanje na osnovu pola postoji kada se radi o ponašanju koje je:
 - a) nepoželjno;
 - b) verbalno, neverbalno ili neprimjereno fizičko ponašanje;
 - c) seksualne prirode ili na osnovu pola;
 - d) zastrašujuće, neprijateljsko, degradirajuće, ponižavajuće ili uvredljivo ili kojim se podstiče takav učinak.

Član 4.

Agencija će preduzeti sve mjere utvrđene pozitivnim propisima kako bi se ispitale sve okolnosti vezane za seksualno uznemiravanje i uznemiravanje na osnovu pola na radu i u radnim odnosima, te će osigurati da osoba koja prijavi ova djela neće trpjeti posljedice zbog te činjenice.

Član 5.

Svi zaposleni u Agenciji imaju pravo da podnesu zahtjev/prijavu za pokretanje disciplinskog postupka ukoliko smatraju da su seksualno uznemiravani i uznemiravani na osnovu pola.

Član 6.

Ova odluka stupa na snagu danom donošenja.

Izradila: HK

Kontrolisao: AZ

DOSTAVITI :

1. Na oglasnu tablu,
2. Na web stranicu Agencije,
3. U a/a.

v. d. DIREKTOR

Emir Bašić

